

ACTA DA REUNIÓN EXTRAORDINARIA DA COMISIÓN INFORMATIVA DE RÉXIME INTERIOR, ECONOMÍA, FACENDA E AXENDA DIXITAL DO DÍA 11 DE XANEIRO DE 2022.

PRESIDENTE:

D. CARLOS LÓPEZ FONT.

VOGAIS:

D.SANTOS HÉCTOR RODRÍGUEZ DÍAZ.
DONA ANA MARÍA MEJÍAS SACALUGA.
D. GORKA GÓMEZ DÍAZ.
DONA NOEMÍ OUTEDA PROL.
DONA RAQUEL GIRÁLDEZ ARMAS.
DONA OLGA MARÍA GARCÍA BALLESTEROS.
D. GREGORIO AGÍS GÓMEZ.
D. JOSÉ ALFONSO MARNOTES GONZÁLEZ.
D. JORGE CUBELA LÓPEZ.
D. MANUEL ALEJANDRO LORENZO ALONSO (*En substitución de D. Ángel Manuel Rodal Almuíña*).
DONA MARÍA PAZ LAGO MARTÍNEZ.
DON IGNACIO MARIL PARDO.
D. JOSÉ CARLOS LÓPEZ CAMPOS.
D. JAVIER TOURÍS ROMERO.
D. XOSÉ CESÁREO MOSQUERA LORENZO.
DONA MARÍA ORTEGA IÑARREA.

No salón de Plenos do Pazo Provincial, sendo as 12 horas do día 11 de xaneiro de 2022 asisten, baixo a Presidencia de D. Carlos López Font Presidente da Comisión Informativa de Réxime Interior, Economía, Facenda e Axenda Dixital, as deputadas e deputados que ó marxe se sinalan, membros de dita Comisión, de acordo coa correspondente Orde do Día.

Non asiste o Deputado Don Ángel Manuel Rodal Almuíña, sendo substituído polo Deputado, Don Manuel Alejandro Lorenzo Alonso.

Asisten o Sr. Interventor, Don Antonio Graña Gómez e tamén o Sr. Vicesecretario, D. José Luis Mato Rodríguez.

Actúa como Secretario, por delegación do Sr. Secretario Xeral, Don José Antonio Gulías Varela, Técnico de Xestión do Servizo de Contratación, Facenda e Patrimonio.

Aberta a sesión, adoptáronse os seguintes acordos:

- 1. APROBACIÓN, SE PROCEDE, DAS ACTAS DAS REUNIÓN DA COMISIÓN INFORMATIVA DE RÉXIME INTERIOR, ECONOMÍA, FACENDA E AXENDA DIXITAL, CORRESPONDENTES A ORDINARIA DO DÍA 19 DE NOVEMBRO DE 2021, E AS EXTRAORDINARIAS DOS DÍAS 14 E 17 DE DECEMBRO DE 2021.**



Sometido a votación o asunto, apróbanse por unanimidade as actas das reunións da Comisión Informativa de Réxime Interior, Economía, Facenda e Axenda Dixital, correspondentes a ordinaria do día 19 de novembro de 2021, e as extraordinarias dos días 14 e 17 de decembro de 2021.

2. APROBACIÓN INICIAL DO EXPEDIENTE DE MODIFICACIÓN DA ORDENANZA FISCAL REGULADORA DA TAXA POR PRESTACIÓN DE SERVICIOS DE BOLETÍN OFICIAL DA PROVINCIA. (EXPTES.-2020056675, 2022000378).

O Presidente da Comisión somete a debate a proposta de acordo sobre a aprobación inicial do expediente de modificación da Ordenanza fiscal reguladora da taxa por prestación de servizos de Boletín Oficial da Provincia, asinada polo Secretario da Comisión de data 4 de xaneiro de 2022, na que figura o conforme do Deputado Delegado da área de Réxime Interior, Economía, Facenda e ORAL, cuxo contido é o seguinte:

“Con data 21/12/2020 dispúxose a incoación do expediente de modificación da Ordenanza fiscal reguladora da taxa por prestación de servizos no BOP, coa finalidade de acadar a tramitación electrónica do procedemento completo, incluíndo a cuantificación da taxa e pagamento, adaptar a Ordenanza aos cambios normativos dos supostos de exención e pago e automatizar o procedemento de cuantificación da taxa.

Non en tanto, a importante carga de traballo dos programadores do Servizo de Novas Tecnoloxías supuxo unha demora no que atinxe ao deseño e implantación dos procedementos de acreditación e tramitación integramente electrónica do expediente. Sen prexuízo da vontade de acometer estas modificacións e impulsar a revisión integral do procedemento, estimouse necesario non demorar a modificación de determinados supostos de exención co obxecto de acadar unha maior seguridade xurídica a efectos de evitar dúbidas de interpretación, actualización de acordo coa normativa, así como supresión de supostos innecesarios.

A proposta de modificación foi informada favorablemente pola Secretaría, Intervención e Tesouraría provinciais.

Á vista do exposto e da competencia plenaria para aprobación e modificación das Ordenanzas, segundo o disposto no artigo 33.2.b) da Lei 7/1985, de 2 de abril, reguladora das bases de réxime local.



O Pleno de conformidade co ditame da Comisión Informativa de Réxime Interior, Economía, Facenda e Axenda Dixital acorda:

Primeiro. Aprobación da modificación do artigo 9.2 da Ordenanza fiscal reguladora da taxa por publicación de anuncios no Boletín Oficial da Provincia de Pontevedra, de conformidade co seguinte detalle:

2. Estarán exentas do pagamento da taxa as publicacións seguintes:

- Aprobación e modificación de regulamentos, ordenanzas municipais e acordos reguladores de prezo públicos.
- Aprobación das normas urbanísticas (plans xerais, normas subsidiarias e complementarias, plans parciais e especiais, estudos de detalle, programas de actuación urbanística, proxectos de urbanización, delimitacións de polígonos e unidades de actuación), excepto cando o planeamento sexa promovido por particulares.
- Afectación, desafectación e alteración de bens de dominio público e patrimoniais.
- Nos expedientes de contratación administrativa: Os anuncios de publicación obrigatoria.
- Aprobación de orzamentos, expedientes de modificación de créditos e da conta xeral.
- Os anuncios en materia de persoal, a excepción das bases e convocatorias para a selección de persoal, que si están suxeitas, salvo as correspondentes a xuíces de Paz.
- Anuncios de procedementos electorais.
- Convocatorias e bases de bolsas de estudos, cursos e subvencións.
- Anuncios de delegación de competencias.
- Notificacións do artigo 45.a) da Lei 39/2015, cando o acto teña por destinatario a unha pluralidade indeterminada de persoas.
- Convenios colectivos.
- Rectificacións de anuncios, que terán idéntico tratamento cós anuncios que se rectifican.
- Os que correspondan a anuncios interesados pola Deputación ou calquera dos seus organismos ou entidades dependentes, sempre que non se poida repercutir a terceiros.
- Anuncios da Administración de Xustiza en:
 - Procedementos civís acollidos ó beneficio de xustiza gratuíta.



- *Procedementos penais e laborais.*
- *Procedementos contencioso-administrativos non instados por particulares, avogados ou procuradores.*
- *Outros anuncios: a interpretar, en cada caso, de acordo coa normativa reguladora.*

Segundo. *Someter o acordo ao trámite de información pública, mediante anuncio no Taboleiro de Edictos, Boletín Oficial da Provincia, páxina web e nun Diario dos de maior difusión da provincia, por prazo de 30 días, durante os cales os interesados poderán examinar o expediente e presentar as reclamacións que estimen oportunas.*

Terceiro. *Considerar, no caso de que non se presentasen reclamacións ao expediente, no prazo anteriormente indicado, que este acordo é definitivo, en base ao artigo 17.3 do Real decreto legislativo 2/2004, de 5 marzo, polo que se aproba o Texto refundido da Lei reguladora das facendas locais, procedéndose a súa publicación no Boletín Oficial da Provincia e demais medios que correspondan.”*

Unha vez debatido o asunto e segundo o establecido nos artigos 32 da Lei 7/1985, de 2 de abril, reguladora das bases do réxime local, 52 do Regulamento orgánico da Deputación de Pontevedra e 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, sométese a votación a proposta de acordo asinada polo Secretario da Comisión con data 4 de xaneiro de 2022, obtendo o seguinte resultado:

- 1. Votos a favor: (17)**, sendo oito (8) do grupo provincial do PSG-PSOE, (7) do grupo provincial do Partido Popular, e dous (2) do grupo provincial do BNG.
- 2. Votos en contra: (0)**, ningún.
- 3. Abstencións: (0)**, ningunha.

A Comisión Informativa de Réxime Interior, Economía, Facenda e Axenda Dixital ditamina a proposta de acordo relativa á aprobación inicial do expediente de modificación da Ordenanza fiscal reguladora da taxa por prestación de servizos



de Boletín Oficial da Provincia, cos votos a favor das Deputadas e Deputados dos grupos provinciais do PSG-PSOE, do grupo provincial do Partido Popular e do BNG.

3. APROBACIÓN INICIAL DO EXPEDIENTE DE MODIFICACIÓN DA ORDENANZA FISCAL REGULADORA DA TAXA POLA AUTORIZACIÓN DE OBRAS E ACTUACIÓN NAS ZONAS DE INFLUENCIA DAS ESTRADAS PROVINCIAIS. (EXPTE.- 2021051453).

O Presidente da Comisión somete a debate a proposta de acordo sobre a aprobación inicial da Ordenanza inicial do expediente de modificación da Ordenanza fiscal reguladora da taxa pola autorización de obras e actuacións nas zonas de influencia das estradas provinciais, asinada polo Secretario da Comisión con data 4 de xaneiro de 2022, na que figura o conforme do Deputado Delegado da área de Réxime Interior, Economía, Facenda e ORAL, cuxo contido é o seguinte:

“O Servizo de Infraestruturas e Vías Provinciais elaborou con data 2 de decembro de 2021, un informe-proposta para modificación da Ordenanza fiscal reguladora da taxa por autorización de obras e actuacións nas zonas de influencia das estradas provinciais.

Visto o Informe da Secretaría de data 23 de novembro de 2021.

Visto o Informe da Intervención de data 3 de decembro de 2021.

Visto o Informe da Tesourería de data 9 de decembro de 2021.

Considerando o establecido no artigo 33.2.b) da Lei 7/1985, de 2 de abril, reguladora das bases de réxime local, en canto a competencia plenaria para aprobar a proposta efectuada polo Servizo de Infraestruturas e Vías Provinciais para modificación da Ordenanza fiscal reguladora da taxa por autorización de obras e actuacións nas zonas de influencia das estradas provinciais.

O Pleno de conformidade co ditame da Comisión Informativa de Réxime Interior, Economía, Facenda e Axenda Dixital acorda:

Primeiro. *Autorizar a modificación da Ordenanza fiscal reguladora da taxa por autorización de obras e actuacións nas zonas de influencia das estradas provinciais, de conformidade co seguinte detalle:*



O obxecto principal da modificación é incluír no feito impoñible e devengo (artigos 1, 2 e 7) as actuacións de comprobación derivadas dos procedementos de declaración responsable e novas modalidades de cota tributaria (artigo 5) referidas a proxectos ou memorias técnicas comprensivas dun conxunto de actuacións incluídas nun único proxecto, solicitudes de planos xeorreferenciados de deslinde de parcelas con vías provinciais e actuacións suxeitas á declaración responsable. Así mesmo, introdúcense pequenos cambios de redacción nos artigos 2 e 5 así como na denominación da Ordenanza, co obxecto de incluír á referencia ás actuacións en “zonas de dominio público e de protección” e pequenas modificacións de redacción, se corrixe o ano da referencia da Lei Xeral Tributaria (artigo 3.1) e se modifica a redacción do artigo 9.2 aos efectos de referir xenericamente os supostos obrigatorios de presentación electrónica.

Unha vez efectuadas as citadas modificacións o texto dos artigos quedaría da seguinte forma:

ORDENANZA FISCAL REGULADORA DA TAXA POR AUTORIZACIÓN DE OBRAS E ACTUACIÓNS NAS ZONAS DE DOMINIO PÚBLICO, PROTECCIÓN E INFLUENCIA DAS ESTRADAS PROVINCIAIS E ACTUACIÓNS SUXEITAS A DECLARACIÓN RESPONSABLE.

ARTIGO 1. FUNDAMENTO E NATUREZA

O Pleno da Deputación Provincial de Pontevedra, no uso das facultades concedidas polos artigos 133.2 e 142 da Constitución, polo artigo 106 da Lei 7/1985, do 2 de abril (LRBRL) e o artigo 132 do Real Decreto Legislativo 2/2004, de 5 de marzo, polo que se aproba o texto refundido da Lei reguladora das facendas locais (TRLRFL), e de conformidade co disposto nos artigos 15 ó 19 do TRLRFL, acorda a imposición e ordenación da taxa por autorización de obras e actuacións nas zonas de dominio público, protección e influencia das estradas provinciais e por actuacións suxeitas a declaración responsable.

ARTIGO 2. FEITO IMPOÑIBLE

Constitúe o feito impoñible da taxa a actividade provincial, técnica e administrativa, tendente a autorizar, informar e/ou verificar se os actos de edificación e máis o uso do solo se axustan ou cumpren os requisitos previstos nas disposicións legais e regulamentarias reguladoras do uso dos terreos



situados en zonas de dominio público ou de protección e influencia das vías públicas provinciais.

Non estarán suxeitas ao pagamento da taxa as solicitudes de información de carácter xeral en relación coa normativa vixente para poder realizar unha determinada actuación ou aquelas nas que se solicita un uso puntual da estrada para algunha actuación especial (exemplo: festas ou probas deportivas).

ARTIGO 3. SUXEITO PASIVO

1.—Son suxeitos pasivos desta taxa, en concepto de contribuíntes, as persoas físicas ou xurídicas e as entidades ás que se refire o artigo 35.4 da Lei 58/2003, do 17 de decembro, xeral tributaria (LXT), que soliciten ou resulten beneficiadas ou afectadas polos servizos ou actividades ás que fai referencia o artigo anterior.

2.—Terán, en todo caso, a condición de substitutos do contribuínte os construtores e contratistas das obras.

(...)

ARTIGO 5. COTA TRIBUTARIA

A cota tributaria que procede abonar en concepto de taxa por prestación do servizo de informe, autorización para execución de obras e actuacións nas zonas de dominio público, de protección ou influencia das estradas provinciais, ou actuacións de comprobación nos usos suxeitos a declaración responsable, determinarase en función do tipo de actividade solicitada:

- a) Taxa unitaria por actividade de 30,00 €, para todas as solicitudes de informe e solicitudes de autorización relativas a:*
- aproveitamentos agrícolas ou forestais de menos de 1 hectárea*
 - movementos de terras e explanación de menos de 1 hectárea*
 - cerramentos diáfanos*
 - obras de mantemento, conservación e rehabilitación de edificacións existentes non suxeitas a declaración responsable.*
 - obras de acometida de servizos a vivendas unifamiliares*
 - obras de acondicionamento e mellora de accesos existentes*
 - cambios de uso en superficies menores de 1 hectárea*
 - calquera outra actuación susceptible de ser considerada obra menor e non incluída nos restantes apartados do presente artigo.*



b) *Taxa unitaria por actividade de 160,00 €, para todas as solicitudes de informe, solicitudes de autorización das seguintes actuacións:*

- *aproveitamentos agrícolas ou forestais de mais de 1 hectárea*
- *movementos de terras e explanación de mais de 1 hectárea*
- *obras de conducións aéreas ou subterráneas, sexan cruces ou paralelas á calzada*
- *muros e cerramentos non diáfanos*
- *obras de edificación de nova planta*
- *obras de acometida de servizos a vivenda colectiva*
- *construción de acceso novo*
- *cambios de uso en superficies maiores de 1 hectárea*
- *actuacións incluídas nun proxecto único*
- *calquera outra actuación susceptible de ser considerada obra maior*
- *plano xeorreferenciado de deslinde dunha parcela con vías provinciais*

c) *Taxa unitaria por actividade de 30,00 €, para as actuacións suxeitas a declaración responsable e que son as seguintes:*

- *O pintado e a impermeabilización de fachadas.*
- *O cambio de fiestras.*
- *A substitución de tellados.*
- *Calquera outra actuación de mera conservación e mantemento de edificacións, instalacións e peches, segundo e nas condicións precisadas no art. 45 bis da Lei de estradas de Galicia.*

(...)

ARTIGO 7. DEVENGO

1. – Devéngase a taxa e nace a obrigaón de contribuír cando se inicie a actividade que constitúe o seu feito impositivo. Entenderase iniciada esta actividade na data de presentación da declaración responsable, solicitude de autorización de obra ou informe.



2.—Cando as obras ou as actuacións se iniciasen ou executasen sen obter a autorización necesaria ou sen presentar a declaración responsable, a taxa devengarase unha vez iniciada efectivamente a actividade provincial conducente a determinar se a obra en cuestión é ou non autorizable, independentemente das actuacións sancionadoras e/ou de restablecemento da legalidade que, no seu caso, correspondan.

3.—A obriga de contribuír, unha vez nacida, de ningún modo se verá afectada pola denegación da autorización ou pola concesión desta, condicionada á modificación do proxecto presentado, nin pola renuncia ou desistencia do solicitante unha vez concedida a licencia.

(...)

ARTIGO 9. PRESENTACIÓN DE SOLICITUDES E AUTOLIQUIDACIÓN

1.—As persoas interesadas en obter informe ou autorización ou presentar declaración responsable para realizar as obras, a utilización privativa, o aproveitamento especial nos terreos situados nas zonas contiguas ás estradas provinciais ou a prórroga dunha autorización concedida presentarán preferiblemente por vía electrónica, a solicitude correspondente, na que se inclúe a autoliquidación da taxa, a través do formulario normalizado dispoñible na Sede electrónica da Deputación de Pontevedra, <https://sede.depo.gal>.

2.-A presentación electrónica será obrigatoria para todas aquelas persoas obrigadas a relacionarse electronicamente coa Administración. Se algunha destas persoas interesadas presenta a súa solicitude/declaración e autoliquidación presencialmente, requiriráselle para que a emende a través da súa presentación electrónica. Para estes efectos, considerarase como data de presentación da solicitude aquela na que fose realizada a emenda.

3.-Aqueles persoas interesadas non obrigadas á presentación electrónica, opcionalmente, poderán presentar as solicitudes/declaracións e autoliquidacións presencialmente en calquera dos lugares e rexistros establecidos na normativa reguladora do procedemento administrativo común, utilizando o formulario normalizado dispoñible a través da Sede electrónica da Deputación de Pontevedra.

4.-Para a presentación das solicitudes/declaracións e autoliquidación da taxa, a sede electrónica da Deputación de Pontevedra admite os certificados electrónicos do sistema Cl@ve que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluíndo o DNI-e).

(...)



Segundo. Someter o acordo ao trámite de información pública, mediante anuncio no Taboleiro de Edictos, Boletín Oficial da Provincia, páxina web e nun Diario dos de maior difusión da provincia, por prazo de 30 días, durante os cales os interesados poderán examinar o expediente e presentar as reclamacións que estimen oportunas.

Terceiro. Considerar, no caso de que non se presentasen reclamacións ao expediente, no prazo anteriormente indicado, que este acordo é definitivo, en base ao artigo 17.3 do Real decreto legislativo 2/2004, de 5 marzo, polo que se aproba o Texto refundido da Lei reguladora das facendas locais, procedéndose a súa publicación no Boletín Oficial da Provincia e demais medios que correspondan.

Unha vez debatido o asunto e segundo o establecido nos artigos 32 da Lei 7/1985, de 2 de abril, reguladora das bases do réxime local, 52 do Regulamento orgánico da Deputación de Pontevedra e 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, sométese a votación a proposta de acordo asinada polo Secretario da Comisión con data 4 de xaneiro de 2022, obtendo o seguinte resultado:

- 1. Votos a favor: (17)**, sendo oito (8) do grupo provincial do PSG-PSOE, (7) do grupo provincial do Partido Popular, e dous (2) do grupo provincial do BNG.
- 2. Votos en contra: (0)**, ningún.
- 3. Abstencións: (0)**, ningunha.

A Comisión Informativa de Réxime Interior, Economía, Facenda e Axenda Dixital ditamina a proposta de acordo relativa á aprobación inicial do expediente de modificación da Ordenanza fiscal reguladora da taxa pola autorización de obras e actuacións nas zonas de influencia das estradas provinciais, cos votos a favor das Deputadas e Deputados dos grupos provinciais do PSG-PSOE, do grupo provincial do Partido Popular e do BNG.



4. DAR CONTA DO INFORME DE INTERVENCIÓN DO PERÍODO MEDIO DE PAGO A PROVEEDORES CORRESPONDENTE Ó MES DE NOVEMBRO DE 2021. (EXPTE.- 2021064175).

A Intervención con data 14 de decembro de 2021, elaborou un informe do período medio de pago a provedores da Deputación de Pontevedra, da Escola Universitaria de Enfermería, do Consorcio Provincial Contraincendios e Salvamento e Consorcio Contraincendios do Deza e Tabeirós-Terra de Montes, correspondente ó mes de novembro de 2021, onde se deixa constancia do seguinte:

“A Lei Orgánica 2/2012, de 27 de abril, introduce o concepto de período medio de pago como expresión do tempo de pago ou retraso no pago da débeda comercial, de xeito que todas as Administracións Públicas, nun novo exercicio de transparencia, deberán facer público o seu período medio de pago que deberán calcular de acordo cunha metodoloxía común establecido no Real Decreto 635/2014 de 25 de xullo polo que se desenvolve a metodoloxía de cálculo do período medio de pago a provedores das Administracións Públicas

O período medio de pago mide o retraso no pago da débeda comercial en termos económicos, como indicador distinto respecto do período legal de pago establecido no texto refundido da Lei de Contratos do Sector Público, aprobado por Real Decreto Lexislativo 3/2011, de 14 de novembro, e na Lei 3/2004, de 29 de decembro, pola que se establecen medidas de loita contra a morosidade nas operacións comerciais.

O artigo 6 do Real Decreto 635/2014 de 25 de xullo, en relación á publicidade do período medio de pago a provedores establece que as comunidades autónomas e as corporacións locais remitirán ó Ministerio de Facenda e Administracións Públicas e publicarán periodicamente, de acordo co que se prevea na Orden HAP/2105/2012, de 1 de outubro, pola que se desenvolven as obrigas de subministro de información previstas na Lei Orgánica 2/2012, de 27 de abril, a información relativa ó seu período medio de pago a provedores referido, segundo corresponda, ó mes ou ó trimestre anterior:

Á vista deste precepto legal o servizo de Intervención elaborou o informe do período medio de pago a provedores da Deputación de Pontevedra, da Escola universitaria de Enfermería, Consorcio Provincial Contraincendios e Salvamento



e Consorcio do Deza Tabeirós correspondente ó mes de novembro de 2021 que se expón a continuación:

PERÍODO MEDIO DE PAGO A PROVEDORES NOVIEMBRE 2021

Entidade	Mes	Ratio Operacións Pagadas	Importe Pagos Realizados	Ratio Operacións Pendentes	Importe Pagos Pendentes	Período Medio de Pago
Deputación de Pontevedra	Novembro	6,8559065129	5.562.477,64	7,0598557194	796.420,30	6,8814501354
Escola de Enfermería	Novembro	12,3711120803	1.903,01	0,0000000000	0,00	12,3711120803
Consortio de Incendios e Salvamento	Novembro	16,9369764574	21.090,69	45,7795342034	11.909,92	27,3462554177
Consortio Deza Tabeiros	Novembro	11,9660393000	8.714,78	17,6224644000	1.271,88	12,6864296964
TOTAL			5.594.186,12		809.602,10	6,9975954967

*En base ós cálculos detallados nestes informes ponse de manifesto que se **cumpre** co período medio de pago legalmente previsto”.*

A Comisión informativa de Réxime Interior, Economía, Facenda e Axenda Dixital queda enterada do contido do **informe do período medio de pago a provedores correspondente ó mes de novembro de 2021 da Deputación Provincial de Pontevedra, da Escola Universitaria de Enfermería, do Consorcio Provincial Contra incendios e Salvamento e Consorcio Contra incendios Deza e Tabeiros-Terra de Montes**, en relación ó disposto na Lei Orgánica 2/2012, de 27 de abril de Estabilidade Orzamentaria e Sostibilidade financeira e no Real Decreto 635/2014 de 25 de xullo polo que se desenvolve a metodoloxía de cálculo do período medio de pago a provedores das Administracións Públicas.



5. DAR CONTA DA RESOLUCIÓN PRESIDENCIAL DE DATA 21 DE DECEMBRO DE 2021 (NÚMERO REXISTRO 2021007527) TRAMITADA NO SERVIZO DE CONTRATACIÓN APROBANDO GASTOS DE EMERXENCIA. (EXPTES.-2021064702-2022000384).

Por Resolución Presidencial número 2021007527 de data 21 de decembro de 2021 acordouse adxudicar a empresa, Audeca, S.L.U. (C.I.F. B-33302696), o contrato para execución da “Obra de emerxencia na estrada EP-8401 Portela-Souto de Veá, P.Q. 0+300 ao P.Q. 2+000 (Concello de Cuntis)”, polo trámite de emerxencia, por un importe global de 25.000,00 euros, ive engadido, cuxo contido é o seguinte.

“RESOLUCIÓN PRESIDENCIAL

EXPEDIENTE	2021064702
ASUNTO	<i>Adxudicando a obra de emerxencia para a “Mellora do coeficiente de resistencia transversal (CRT) do firme da estrada EP-8401 Portela-Souto de Veá, entre os P.Q. 0+300 e o P.Q. 2+000 (Concello de Cuntis)”</i>
TRAMITE	<i>Adxudicación</i>

A Presidenta, no uso das facultades que lle confire a normativa local vixente, dita a seguinte RESOLUCIÓN,

Resultando.- Mediante informe técnico do Xefe dos Servizos Técnicos do Servizo de Infraestruturas e Vías Provinciais coa conformidade co Deputado Delegado desa área, solicítase a tramitación polo procedemento de emerxencia da obra “Obra de emerxencia na estrada EP-8401 Portela-Souto de Veá, P.Q. 0+300 ao P.Q. 2+000 (Concello de Cuntis)”

Resultando.- Que no citado informe recóllese o seguinte: “...Logo da inspección da estrada EP-8401 Portela-Souto de Veá (Cuntis) e tendo constancia de varias saídas de vía que se produciron recentemente no treito comprendido entre o P.Q. 0+300 e o P.Q. 2+000, compróbase que o firme presenta en diversas zonas un estado esvaradizo.2. Dito treito presenta un trazado sinuoso con curvas en S, tendo esta estrada unha IMD elevada cun tráfico importante de vehículos pesados. Todo elo está a provocar un risco na circulación que require dunha actuación de emerxencia para garantir a vialidade e a seguridade vial e evitar así riscos de danos maiores....”



Resultando.- Que no mesmo informe recóllese que o que se pretende é garantir a vialidade e a seguridade vial do tramo de estrada afectado, mediante a execución de retexturizado de firme para mellora de CRT (coeficiente de resistencia transversal), mediante hidrodesebaste.

Resultando.- Que a estimación do custe da obra ascende a 25.000,00 € IVE incluído, quedando condicionada á medición definitiva e á súa valoración exacta. Propónse á empresa AUDECA, S.L.U. (CIF B33302696)), pola súa dispoñibilidade inmediata tanto de medios humanos como técnicos suficientes para acometer a obra.

Resultando.- Que con data 20/12/2021 emitiu informe o Servizo de Contratación, recollendo o seguinte: "...Solicítase a tramitación de emerxencia manifestando no informe do técnico que tendo constancia de varias saídas viarias que se produciron recentemente no treito comprendido entre o p.q. 0+300 e p.q. 2+00 da E.P. 8401 Portela-Souto de Vea, inspeccionase a zona por persoal dos servizos técnicos do Servizo de Infraestruturas comprobándose que presenta un estado esvaradizo non sendo posible garantir a vialidade e a seguridade viaria do tramo afectado por esta circunstancia o que está a provocar un risco na circulación. Non se pon en dúbida o criterio técnico, nin sería dilixente nin da nosa competencia facelo, pero si está nas atribucións do Servizo de Contratación elixir o procedemento máis adecuado para a tramitación do expediente. Tendo en conta que non podemos separarnos do criterio técnico ó non ser posible garantir a seguridade do tráfico debido a que existe unha situación de risco grave para a circulación neste punto, tramítase este expediente, por solicitude deste servizo, por emerxencia. Tendo en consideración o exposto cabe reseñar os seguintes aspectos: Este trámite é excepcional, unicamente e de forma exclusiva para reparar o punto que supoña o grave perigo, sen que quepa a estimación subxectiva discrecional da Administración, xa que se non se estaría quebrantando a excepcionalidade á que nos referimos. Non cabe utilizar este procedemento excepcional para solventar unha falta de planificación, xa que non existen outros procedementos como o ordinario ou o de urxencia. Unha vez efectuadas as actuacións imprescindibles para paliar a situación de emerxencia, as restantes prestacións que sexan necesarias para completar a actuación acometida pola Administración e que non teñan carácter de emerxencia contrataranse con arranxo á tramitación regulada na LCSP. Haberá que tramitar o expediente conforme o artigo 120 da LCSP, e cumprir co disposto nas bases do Orzamento Provincial, que fai referencia ós gastos de emerxencia..."

Resultando.- Que pola Intervención emitiuse documento RC número de operación 202100240771, por importe de 25.000,00 € con cargo á aplicación orzamentaria 21/456.4530.612.01 do vixente orzamento provincial.



Considerando.- No referente á tramitación de emerxencia, o órgano de contratación, sen obriga de tramitar expediente de contratación, poderá ordenar a execución do necesario para remediar o acontecemento producido ou satisfacer a necesidade sobrevenida, ou contratar libremente o seu obxecto, en todo ou en parte, sen suxeitarse ós requisitos formais establecidos na Lei, incluso a existencia de crédito suficiente.

Considerando.- Que elo debe instrumentarse xuridicamente nunha resolución ou acordo, que unicamente precisará da oportuna retención de crédito, ou no caso de que non exista crédito, da documentación que xustifique a iniciación do correspondente expediente de modificación de crédito.

Considerando.- Que a Xunta Consultiva resalta o carácter excepcional da tramitación de emerxencia, tal e como sinala o artigo 120 da Lei 9/2017 de 8 de novembro de Contratos do Sector Público, que a regula, derivado tanto do réxime específico que a rexe, como da relación de supostos taxadas en que procede, concreta na exixencia de ter que actuar a Administración de forma inmediata a causa de: acontecementos catastróficos, situacións que supoñan un grave perigo e necesidades que afecten á defensa nacional

Considerando.- Que neste senso, e incidindo no criterio de rigor que debe observarse na aplicación deste réxime, manifestouse o Tribunal Supremo en Sentenza de 20 de xaneiro de 1987, ó establecer que “non basta a existencia dun acontecemento de excepcional natureza do que dimane a situación que as medidas en cuestión afrontan, senón que o que ampara a normativa de emerxencia é unha situación administrativa inmediata, absolutamente necesaria para evitar ou remediar no posible as consecuencias do suceso en cuestión.”

Considerando.- Que en virtude do disposto nos artigos 34-1, f e i) da Lei 7/85, de 2 de abril, 185 do TRLRFL, de 5 de marzo de 2004, 117 e concordantes do R.d.I 781/86, de 18 de abril e 61 do R.d. 2568/86, de 18 de novembro e DA 2ª da LCSP, e a Base 16ª apartado 1.e), a autorización e compromiso dos gastos de emerxencia serán competencia da Presidencia.

RESOLVO,

- 1. Declarar a emerxencia na tramitación do procedemento de contratación “Obra de emerxencia na estrada EP-8401 Portela-Souto de Veá, P.Q. 0+300 ao P.Q. 2+000 (Concello de Cuntis)”**



2. Autorizar o gasto por importe de 25.000,00 € IVE incluído, con cargo á aplicación orzamentaria 21/456.4530.612.01 do vixente orzamento provincial.
3. Adxudicar á empresa AUDECA, S.L.U. (CIF B33302696) o contrato de obras “Obra de emerxencia na estrada EP-8401 Portela-Souto de Veá, P.Q. 0+300 ao P.Q. 2+000 (Concello de Cuntis)”, de acordo co seguinte detalle:

Importe	20.661,16 €
IVE (21%)	4.338,84 €
Importe total	25.000,00 €

Este importe é unha estimación, quedando condicionado o prezo final á medición definitiva e valoración exacta.

O prazo de execución estímase en UNHA (1) SEMANA.

Unicamente executarase o necesario para remediar o acontecemento producido ou satisfacer a necesidade sobrevenida, debéndose contratar as restantes prestacións necesarias para completar a actuación acometida pola Administración e que non teñan carácter de emerxencia mediante a tramitación do preceptivo expediente conforme á Lei.

O prazo de inicio da obra non poderá ser superior a un mes e deberase dar conta, polo centro Xestor da devandita actuación ó Pleno da Corporación na primeira sesión que se celebra tras a adopción desta resolución.

Da cantidade adxudicada reteranse as seguintes porcentaxes:

- *4% do orzamento de execución material de adxudicación, de acordo coa taxa por servizo facultativos que se presten en obras provinciais, aprobada polo Pleno da Deputación na sesión do día 27/02/98, en concepto de Dirección de Obra.*

Lugar de presentación e forma da factura: As facturas deberán ser presentadas polo adxudicatario en formato electrónico a través da Sede Electrónica da Deputación de Pontevedra (sede.depo.es) en tempo e forma aos efectos de que o órgano administrativo ao que corresponda, proceda a súa tramitación.

Más información en <https://sede.depo.es/>



Nas facturas deberase indicar os código DIR 3 que identifican o procedemento, o CIF e nº de expediente que se relacionan a continuación:

Administración: L02000036 (CIF: P3600000H); Órgano Xestor: LA0006123; Unidade Tramitadora: LA0006135; Oficina Contable: LA0006135. Nº Expediente: 2021064702.”

A Comisión informativa de Réxime Interior, Economía, Facenda e Axenda Dixital queda enterada do contido da Resolución Presidencial 2021007527 de data 21 de decembro de 2021 pola que se adxudica a empresa, Audeca, S.L.U. (C.I.F. B-33302696), o contrato para execución da “Obra de emerxencia na estrada EP-8401 Portela-Souto de Veá, P.Q. 0+300 ao P.Q. 2+000 (Concello de Cuntis)”, polo trámite de emerxencia, por un importe global de 25.000,00 euros, ive engadido

6. ROGOS E PREGUNTAS.

Non se produciron.

E non habendo máis asuntos que tratar, pola Presidencia dáse por finalizado o acto, sendo as doce horas e cinco minutos do día arriba sinalado, do que, como Secretario, dou fe.

O Secretario da Comisión

Asdo.: José Antonio Gulías Varela

(Documento asinado electrónicamente ó marxe)

